

أطفال على حافة قوس قزح

كيف نحمي أطفالنا من المثلية الجنسية

ماري رمسيس

الكتاب: أطفال على حافة قوس قزح

كيف نحمي أطفالنا من المثلية الجنسية

المؤلف: ماري رمسيس

رقم الإيداع: ٢٠٢٤ / ١٩٣

الترقيم الدولي: 1-905-493-977-978

الطبعة: الأولى / ٢٠٢٤

الناشر

شمس للنشر والإعلام

ت فاكس: ٠١٢٨٨٨٩٠٠٦٥ (٠٢)

www.shams-group.net

shams@shams-group.net

حقوق الطبع والنشر محفوظة

لا يُسمح بطبع أو نشر أو تصوير أو تسجيل

أي جزء من هذا الكتاب بأي وسيلة كانت

إلا بعد الحصول على موافقة كتابية من الناشر



أطفال على حافة قوس قزح

كيف نحمي أطفالنا من المثلية الجنسية

ماري رمسيس

إهداء

إلى مَنْ شَكَّلَنِي مِنْ جَدِيدٍ
وهدم كل أفكارِي القديمة وتاليهي لبعض المعتقدات، وزاد من
استبصاري واستنارتي في أمورٍ وقضايا عديدة...
إلى مَنْ أَرَادَ لِي أَنْ أَكُونَ أَفْضَلَ نَسْخَةٍ لِي، ولم يبخل عليّ،
وأعطاني من دمه وعقله وحياته الكثير والكثير.
الذي وُلِدْتُ على يديه الولادة الثانية، وربَّاني التربية الثانية...
زوجي (روبير الفارس) ، مُعَلِّمي ومبدعي، وسبب إنتاجي لكل
سلاسل كُتُبِي، التي تهتم بتشكيل جيل مختلف وناضج وواعٍ
لاختلافه وتميُّزه...
أُهدي إليك هذا الكتاب... وكل حياتي.

ماري

هذا الكتاب يندرج ضمن سلسلة التوعية الأسرية للأطفال،
للمرحلة العمرية من سن ٩ إلى ١٢ عامًا.
وُيُنصَح بقراءته مع الأم أو الأب، ومناقشة مضمونه مع
المتلقي. لأن هدفنا التوعية والاستئارة للطفل والأسرة، ولأننا
نؤمن أن قطرة توعية وحماية أفضل من قطار من العلاج..

فور عودة ماما من عملها. قابلتها ابنتها «لي لي»
بتلهف، وأخبرتها أن يوسف عاد من المدرسة
ودخل إلى غرفته وأغلق الباب خلفه...

سألتها ماما عن سبب غضبه، فقالت «لي لي»:
- مش عارفة.


قالت ماما:

- تعالي نعمل جلسة (وقت قيم) مع «يوسف».
وبالفعل اتجهتا لغرفة يوسف وطرقتا الباب.



فتح يوسف الباب مُرحباً.

وفور جلوس ماما على السرير بينهما، قال يوسف:




- ماما: يعني إيه (شاذ «مثلي» gay) ؟
- شاذ «مثلي»!!! مين يا حبيبي اللي قالك الكلمة دي؟

- سمعتها من زملاء في المدرسة.
- برافو عليك يا يوسف إنك لَمَّا سمعت كلمة غريبة جيت عليا تسألني وتعرف مني، شكراً جداً.
- العفو يا ماما، الصراحة إنك إنتي علمتيني وعودتيني أرجعلك دائماً في أي سؤال أو أي حاجة مش فاهمها، وإنك تكوني دائماً مصدر معلوماتي الأول.
- شكراً يا يوسف إني مصدر معلوماتك الأول...

بُص يا يوسف: الشاذ في اللغة يعني الخروج عن
القاعدة أو المعروف أو الجماعة ويبقى وقتها الشخص
منفرداً ويعمل حاجات مش بتوافق عليها الجماعة.
يعني لو الجماعة كلهم متفقين على حاجه معينة هو
يخالفهم سواء في التفكير أو السلوك أو الممارسة.
وطبعاً لَمَّا الكل

يتفق على نظام معين
أو سلوك وهو يختلف
عنهم فيكون غريب
وسطهم وأحياناً مش
مقبول أو غير مرغوب
فيه... وطبعاً في أنواع
للشذوذ، ومنها الشذوذ
الجنسي، يعني ربنا
خلق الإنسان نوعين:




ذكر وأنثى، أو رجل وامرأة، إئت رجل ولي لي امرأة. ولم يخلق نوعاً واحداً رجالاً فقط أو نساءً فقط. وكل نوع خلقه له سمات وإمكانيات مختلفه علشان يكملوا ويساعدوا بعض. فكل نوع له صفات جسمية ونفسية وعقلية تميزه عن الآخر. والرجل والمرأة وجهان لعملة واحدة وهي الإنسان، كل منهما يعطي قيمة للآخر، ولو اختلف التوازن ده يختل الكيان الإنساني. فالرجل يُشبع احتياجات المرأة، والمرأة تُشبع احتياجات الرجل، أي أن كل واحد يعطي الآخر حياته واهتمامه وحبه. ومفيش نوع أهم من نوع، ومفيش نوع أعلى من حد أو اقل من حد. هما متساويان في كل شيء عند ربنا اللي خلقهم. ولكل من الرجل والمرأة تأثير على حياة الآخر ونضجه ونموه وتكامل شخصيته. فالمرأة تكون للرجل هي الأم أو الزوجة أو الأخت أو الابنة

أو الصديقة. والرجل قد يكون للمرأة هو الأب أو
الزوج أو الأخ أو الابن أو الصديق... ولكل من
المرأة والرجل مراحل وتطورات يمر بها علشان ينمو
ويكبر وينضج ويصبح أكثر وعياً وخبرة.

لي لي:

- ممكن يا ماما تشرحي لنا مراحل النمو؟

- يعني مثلاً الطفل يمر بمراحل كثيرة، من
الجنين للرضيع للطفل للمراهق للشاب للكهل



للشيخوخة، وكل المراحل دي يمر فيها الإنسان
بتغيرات جسدية ونفسية وعقلية حتى يكون أكثر
وعياً ونُضجاً وخبرة.

يوسف:

- آه فهمت ياماما... طيب ليه ربنا ما خلقش
الإنسان رجل وامرأة جسمهم زي بعض، يعني
إنتي مثلاً جسمك مختلف عن جسم بابا، وأنا
جسمي مختلف عن جسم أختي لي لي؟



- برافويا حبيبي على السؤال الجميل ده، بأشكرُك عليه. ربنا خلقنا مختلفين لأن هدفه إن النوعين يكملوا بعض ويساعدوا بعض ويتجاوزوا بعض.

لي لي:

- ماما، طب إيه أهم الاختلافات بين الرجل والمرأة؟

- في اختلافات بين الرجل والمرأة في نوعية الهرمونات^(*)، فالمرأة تفوق الرجل، والقدرة التي أعطاها الله لها لتحمل بها آلام الحمل وآلام الولادة. وبرضه هرمونات الذكورة تؤثر على صوت الرجل

* الهرمونات: هي مواد كيميائية يفرزها الجسم لتنظيم أنشطته المختلفة، وللحفاظ على التوازن في الجسم من خلال إطلاقها في مجرى الدم، أو لتنتشر من خلال أغشية الخلايا بعد إطلاقها من الغدد المفرزة لها. وتُفرز الهرمونات في الجسم من نظام الغدد الصماء المنتشر في جميع أنحاء الجسم للتحكم في عمليات النمو، والتكاثر، وأنشطة الجسم المختلفة.

وأحباله الصوتية فيكون أكثر خشونة، وهرموناته تؤثر على جلده فيظهر له شعر في أماكن وبكثافة مختلفة مثل الشنب والذقن وفي الصدر والأماكن الخاصة. أمّا الهرمونات الأنثوية تُساهم في تراكم الدهون في مناطق متعددة في جسم المرأة وتعطيها شكلاً أنثوياً. كما تؤدي هذه الهرمونات في مرحلة المراهقة والبلوغ إلى نمو الثديين «الصدر» حتى تساعد على تكبير وتزويج وتُنَجِب على إرضاع أبنائها. كما تلعب هرمونات الأنوثة عند المرأة التي يفرزها المبيض ودول موجودين داخل الرحم في بطنها في حدوث ما يُسمى الدورة الشهرية «البريود»^(*).


* الدورة الشهرية «البريود»: هي عادة تحدث للفتاة في مرحلة البلوغ مرة كل شهر يخرج دم من فتحة بجوار فتحة إخراج البول، هذه الدورة الشهرية تجعلها قادرة على الحمل والولادة عند الزواج.

يوسف:

- طب إيه هدف الاختلاف ده يا ماما؟
- هدف الله منذ بداية الخليقة أن تكون المرأة مختلفة عن الرجل لتكمل احتياجاته، والرجل مختلف عن المرأة ليكمل احتياجاتها، واختلافهما سبب استمرار الحياة، لأنه يؤدي إلى الزواج والإنجاب فيكونا قادرين على الزواج والاتحاد ببعضهما البعض ليصبحا قادرين على الإنجاب، وهي وظيفة مهمة للتكاثر والازدياد، للحفاظ على التوازن والبقاء في المجتمع.

لي لي:

- يعني ربنا قصده خلق الإنسان على شكل بابا وماما علشان يتجوزوا ويجيبونا للعالم؟



- بالضبط يا حبيبتى، ودي خطته لنا من البداية،
إن الرجل (بابا) يتجوز، أي يكتمل ويتحد بالمرأة
(ماما) لَمَّا تنشأ بينهما مشاعر جميلة زي الإعجاب
والقبول والاحترام والتفاهم والحب لبعض. علشان
يكونوا أسرة جميلة ويرعوا أولادهم ويحموهم من
أي مخاطر أو أي شر أو كوارث ويربوهم على القيم
والمبادئ والسلوكيات الجميلة، اللي هما اتعلموها من
اللي قبلهم، فالأسرة شيء مُطمئن جداً للأطفال،
فبابا يقدم الحب والحماية والأمان والرعاية والسند،
وماما تقدم الحب والاهتمام والدعم لأطفالهم
الغاليين المميزين جداً على قلوبهم.


يوسف:

- ماما: هو ينفع الراجل يتجوز راجل، والست
تتجوز ست؟


- اممم... سؤال مهم جداً جداً، وإجابته مهمة جداً جداً... تعال نفصصها حته حته، علشان يقولوا إن فيلم كارتون فيه الكلام ده... نرجع الأول حته وهي ان الله خلق الإنسان نوعين: امرأة ورجل، وخلق لكل حد فيهم هرمونات وأعضاء تناسلية مختلفة، وكل عضو مختلف له وظيفة وعمل مختلف، وهذا الاختلاف كان قصد الله وهدفه من البداية إن الرجل يتزوج المرأة، وعلاقة الحب بينهم في الزواج واللي أساسها أجسامهم المختلفة بتنتج الأولاد لتستمر الحياة على الأرض. لكن لو الراجل اتجوز راجل مش هيكون عندهم القدرة على الإنجاب لأن الرجل ليس لديه رَحِم^(*)، وبالتالي مش هو ده قصد ولا خطة ربنا لاتحاد الرجل والمرأة في

* الرَّحِم: الكيس الذى يحمل الجنين في بطن الأم فترة الحمل.

الزواج. والحكاية دي كان لما بتتعمل مع نفس النوع بتنشأ عنها أمراض خطيرة، غير إن المجتمع يرفض الشكل ده وييسموها علاقة شاذة أو مثلية جنسية «gay»، ولأنه مش ده الطبيعي أو القاعدة المعروفة بين الناس فهي مرفوضة من الله ومن المجتمع. والعلاقة دي للأسف حصلت زمان خالص وعرفناها من خلال الكتب المقدسة السماوية والشذوذ أغضب ربنا جداً وعاقب الناس دي، وياريت يا حبيبي تبحث عن الموضوع ده وتعرف عقابهم كان إيه وغضب ربنا من العلاقة دي، وكان فيه منها نوعين: نوع اسمه




«اللوّاط» وهو ممارسة الجنس أو العلاقة الحميمة أو الجسدية بين راجل وراجل، والنوع الثاني اسمه «السحاق» وهي علاقة تنشأ بين امرأة وامرأة. وللأسف يا يوسف ده ممكن يحدث في المجتمعات المغلقة اللي مافيهاش اختلاط بين النوعين من الناس فممكن كمان يحصل في بعض المدارس بين الشباب أو المراهقين، علشان كده لازم نخلي بالنّا جدًّا من النقطة دي، وما ينفعش أبدًا ولد يلمسك في الأماكن الخاصة



بتاعتك أو يتلامس معاك بشكل غريب وغير مريح أو غير معتاد، أو مثلاً يطلب انه يشوف جسمك، أو يُقبِّلك قُبلة في فمك، لأن ده غلط

وغير مسموح، ويسبب أمراض خطيرة تصيب
الإنسان اللي يعمل كده. لازم لو حد قرب منا
بشكل غريب نقوله (لا)، ونرفض بشكل قاطع
ونبعد عنه، ولازم نحكي مع بابا أو ماما أو حد نتق
فيه علشان يقدم لنا الدعم والمساعدة والمشورة.



لي لي:

- وطبعاً زي ما ينفعش الولد مع الولد، ما
ينفعش كمان البنت مع البنت ياماما.

- مضبوط يا لي لي، ولازم البنت تفهم كويس
جسمها وحدودها وترفض أي صديقة لها تقترب
منها بشكل مش طبيعي، لأن اللي بيبقي عايز يعمل
معانا كده مش بيبقي يحبنا ده بيؤذينا، وزى
ما هو في حد آذاه بيبقي عايز يؤذي غيره، أو
يببقى فاهم غلط، أو حد أقنعه بفكرة وهو خضع
لها بدون تفكير كويس، أو لم يأخذ رأي حد
أكبر منه علشان يفهمه الصبح من الغلط والمقبول
والمرفوض، أو ممكن يكون بيقلد حد أو شاف
مسلسل أو أي عمل درامي أو كارتون وصدقه من
غير تفكير وحاب يقلد أو يجرب، وساعات يكون

فاهم إن ده عادي مش غلط. وعلشان كده ناس كثير بترفض أفلام الكارتون اللي فيها حاجات زي دي، وكمكان الدول بتمنعها، لأن ممكن أطفال يقلدوا اللي يحصل فيها علشان ما بيشاركوش الأفكار مع شخص موثوق فيه زي أهلنا، أو ناس بنتق فيهم، أو متخصصين، ويمشوا وقتها في طريق غلط... وخذوا بالكم ممكن حد يقول ده موضوع جميل وعادي ومُسلي وتعالى نجرب، أو يقولك إن دي حاجه فيها حرية ونتححرر من أي قيود، لكن الحرية أكيد مش مؤذية لا لنا ولا لحد، الحرية مسئولية ومش بنخالف فيها ربنا ولا القوانين والقيم الإنسانية والمجتمعية، إنت حر فيما لا تضر. والشخص اللي يكون شاذ أو بيتبع المثلية الجنسية دائماً يشعر بالضيق والحزن وعدم الإحساس بالراحة، وكمكان ما عندوش ثقة في نفسه، وطول الوقت حاسس

إن ضميره واجعه، وأكيد مش يعمل كده في
العلن لكن يعمل كده من وراء الناس في الضلمة
لأنه يبقي عارف إن ده غلط وغير مقبول دينياً
واجتماعياً.

يوسف:

- ياااه، يعني إحنا لازم نشكر ربنا إنه خلقنا على
شكلنا ونوعنا.

- برافو يا يوسف، لازم نحب ونقبل نفسنا
على الشكل والنوع اللي خلقنا عليه، وتقول: شكراً
يارب على شكلي وجسمي ونوعي، وإني هأكون
في المستقبل رجل جميل شجاع ليا مستقبل جميل
ورسالة عظيمة خلقتني علشانها. وكم لي لي لازم
تحب وتقبل نفسها على الصورة اللي خلقها فيها ربنا

وتشكره لأنها هتكبر وتكون امرأة جميلة لها رسالة
عظيمة في الحياة.

يوسف:

- ماما، طب تعامل إزاي مع الأولاد اللي
عايزون يكونوا gay أو عندهم مثلية جنسية؟
أبعد ولا أقرب؟ أزعل منهم ولا إيه؟
- إنت رايك إيه؟

- مش عارف، متلخبط ومش فاهم، شوية
مشاعري تقولي كلمهم، وشوية تاني أقول ممكن
أساعدهم أو أنصحهم.

- أنا حاسة بك ومقدرة مشاعرك المتلخبطة
دي بس كل اللي أقدر أقولك عليه إن إحنا مش
دورنا أبداً إننا نحكم عليهم أو نُصدر أي أحكام
خاصة بيهم، لأن الله اللي بيدِين مش البشر، ومن

أسماء الله «الديان». اقبل اختلافهم، لكن مش هانتفق معاهم، هنختلف معاهم دون أن ننظر لهم بطريقة سيئة. نتعامل بحدود طول ما هم ما آذوناش، مش نؤذيهم. تعاملنا يكون في حدود المدرسة أو النادي أو الشغل لما نكبر... فاهمني يا حبيبي؟

يوسف:

- فاهمك يا ماما ومحترم وجهة نظرك، وشكراً لأنك بتعلميني أحترم وأقبل المختلفين عنا، وما نتعاملش معهم بطريقة فيها تمر أو أي إساءة، حتى لو كانت نظرة غير مقبولة، ربنا هو الديان العادل اللي عارف بكل حاجه فيهم ويقدر يغير أفكارهم واتجاهاتهم.

لي لي:

- ماما، هما ليه واخدين علامة قوس قزح
«الريمبو» ويخلوها رمزهم؟

- في سنة ١٩٧٨، صمّم واحد أمريكي اسمه
«جيلبير بيكر» علم «قوس قزح»، علشان يعرفوا
بعض بيه ويكون شعارهم. وقوس قزح بألوانه
الجميلة كان رمز لعهد الله مع الإنسان زمان. لكنهم
يستخدموه عكس العهد ده. اللي كان بيعبر عن
خضوع الإنسان لله ونظامه الطبيعي في خليفة
الرجل والمرأة. فهما هنا يرفضوا العهد والخضوع
لله مستخدمين الشعار عكس معناه.

يوسف:

- عندي سؤال يا ماما: هو أنا ممكن أعجب بولد

زبي؟

- طبعاً نعجب بشخصيته وأخلاقه وسلوكياته،
لكن مش بجسمه ولا شكله وملاحه وما يكونش
عندك له مشاعر خاصة زي اللي بتحصل بين الولد
والبنت أو البنت مع الولد، بتجبه زي ما بتحب
أخونا أو زميلنا، ومش باي طريقة تانية، لأن
الحكاية بتبدأ بين المثليين إنهم يُعجبوا ببعض
وبأشكال وأجسام بعض وتنشأ بينهم قصة إعجاب
وعلاقة خاصة جداً بيقتربوا فيها لبعض ولأجسام
بعض، وهو ده الخطأ والعيب والشاذ، لأن ده
مش طبيعي إني أحب صديقي كاني بأتعامل معاه
بمشاعر عاطفيه ونظرتي له نظرة جسدية جنسية،
ومش طبيعي أبداً إني أتخيل معاه علاقة حب
جسدية جنسية.

لي لي:

- طيب لو حد اقتنع الأول بالفكرة وصدّق فيها، بعدين عرف إن الطريق ده غلط، ينفع يرجع عنه؟

- طبعاً حبيبتى ينفع يرجع، لأن الموضوع ببداً بفكره يفضل يسرح معاها ويفكر فيها كثير ويقتنع بيها ويصدقها، وساعات يحصل في رحلة المراهقة المرحلة دي بيكون فيها اضطراب في الهوية الجنسية والمراهقة يكون فيها في رحلة بحث عن ذاته وعنده صراعات كثير زي: هل هو ولد ولا بنت وليه؟ زي كان: هو ناجح ولا فاشل؟ سيء ولا جيد؟... اضطرابات وصراعات كثيرة، ويفضل يجرب، وعنده حب فضول بيدفعه ساعات يجرب حاجات كثير لغاية ما يستقر ويفهم هو إيه بالضبط، علشان

كده هو لازم ياخد قرار ويشغل على نفسه
ويكون عنده إرادة قوية إنه يتوقف عن العادات
الخاطئة والأفكار المغلوطة ويبدأ ياخذ خطوات
ثابتة وقوية ناحية القرار السليم وهو إنه بهويته
الجنسية السليمة اللي خلقها عليه ربنا لو اتخلق ولد
لازم يتصرف تصرفات ولاد بوظيفته البيولوجية
والفسيولوجية والعاطفية، ولو كانت بنت لازم
تتصرف تصرفات البنات بوظيفتها الفسيولوجية
والعاطفية... وطبعاً بيكونوا محتاجين في المشوار ده
المختصين واستشارات نفسية وطبية علشان يقدموا
لهم الدعم والمشورة الصحيحة، لأن مشوار رحلة
العلاج بيكون طويل، لإثبات هويتهم الجنسية
الأصلية اللي اتخلقوا عليها.

يوسف:

- طب ربنا هيسامحهم ويقبلهم؟

- طبعاً يا حبيبي، ربنا غفور رحيم يحبنا ودائماً
مستئينا نتغير للأحسن والأفضل علشان نكون في
أفضل حال، هو دائماً يقبل توبيتنا واعترافنا بخطأنا
وندمنا عليه وتغير حياتنا بشكل أفضل وصحيح،
ولما بنتغير ونقدم التوبة مش يفتكر أصلاً الخطأ
اللي عملناه لأن رحمته واسعة ومحبه كبيرة لنا،
وببدأ معانا صفحة بيضاء من جديد ويفرح أوي
برجوعنا وتغيرنا للأفضل.


لي لي:

- ماما، مرة شفت في التلفزيون ولد كان
بنت، وبنت اتحولت لولد... هو ده برضه شذوذ
أو مثلية جنسية؟

- كل شوية بتسألني أسئلة أجمل من اللي قبلها... اللي إنتي شوفتيهم دول في التلفزيون اسمهم «عابرين» أو «متحولين جنسياً»، ودول مختلفين عن المثليين، لان العابرين اتغيروا شكلاً وموضوعاً عن شكلهم وخلقتهم الأولى، بمعنى إن المثلي بيكون مثلاً ولد لكنه بياخد دور بنت في العلاقة الحميمة، وشكله وأعضاؤه التناسلية منذ بداية خلقته هي هي، أما المتحول أو العابر بيكون في البداية مولود بنت بس بيتحول بعملية جراحية إلى ولد، وساعتها بيؤدي وظيفة الولد أو الرجل، وطبعاً علشان يتوافق له على إجراء عملية التحويل لازم إجراءات وفحوصات وتحاليل وأشعات عن طريق أطباء ومتخصصين لإثبات أن هناك خطأ ما حدث له في الولادة، أو إن هرمونات الذكورة أكثر بكثير من هرمونات الأنوثة في حالة إذا



كانت فتاة في شكلها التي خلقت عليه، أو إنه
خُلِقَ على شكل ولد ولكن هرموناته والفحوصات
أثبتت أنه بنت، وقتها يتم الموافقة على إجراء العملية
وتحويله إلى النسبة الأعلى من نوعه الأول الذي
خلقه الله عليه ولكن حدثت تشوهات خلقية أو
عدم اكتمال لأعضائه التناسلية...



يعني ببساطه «العابر» ده بيكون عنده نخبطة في
جسمه، والطب بيرجعه بالجراحه لجسمه المنتمي
له.

♦ ♦ ♦

لي لي ويوسف:

- شكراً يا ماما على الوقت القيم وإجاباتك الجميلة،
وبطريقتك المميزة، وبلطفك وصبرك معانا.

- شكراً لكم حبايبي على الأسئلة المهمة دي،
وأنا معاكم دائماً في كل وقت يا أغلي الغالين.

- إن شاء الله نقعد مع بعض وقت قيم تاني في
موضوع جديد يا مامتنا الجميلة.





تدريبات

- فکّر لورينا خلق الإنسان على شكل رجل بس أو امرأة بس، كانت الحياة دي شكلها هيكون ايه؟
(عبّر بطريقتك المفضلة سواء بالرسم أو بالكتابة)

- تخيل لو نمو الإنسان وقف عند مرحلة معينة زي المراهقة؛ هيكون إيه شكل الحياة؟ وهل وجوده ده هيكون إيه مميزاته وإيه سلبياته؟
(عبّر بطريقتك المفضلة سواء بالرسم أو بالكتابة)

- فكّر لو خلق الله هرمونات الرجل زي هرمونات المرأة، إيه ممكن يحصل؟
(عبّر بطريقتك المفضلة سواء بالرسم أو بالكتابة)

- فكّر شكل الحياة سيكون إيه لو الرجل اتجوز رجل والمرأة اتجوزت امرأة، وهل سيكون فيه أسرة وتنوع أدوار؟ وهل ده هيكون مقبول لك أم لا؟
(عبّر بطريقتك المفضلة سواء بالرسم أو بالكتابة)

- لوحد لمسك لمسة غير مقبولة، هتتصرف إزاي؟
(عبر بطريقتك المفضلة سواء بالرسم أو بالكتابة)

- تعالوا نفكر لو الأطفال عاشوا بدون أسر شكل حياتهم سيكون إزاي؟ والمجتمع سيكون إزاي؟ منظم ولا عشوائي؟ (عبر بطريقتك المفضلة سواء بالرسم أو بالكتابة)

- إذا كنتي بنوتة هاتي مراية وبصي فيها وامدحي نفسك: واو أنا بنت جميلة مميزة بأحب نفسي وبأحب الصورة اللي ربنا خلقني عليها. شكرًا يارب لإني بنت وسوف أصبح يومًا أُمًا جميلة في المستقبل.
- (عبر بطريقتك المفضلة سواء بالرسم أو بالكتابة)

- إذا كنت ولد هات مرآة وبص فيها وامدح نفسك
وقول: واو أنا ولد جميل مميز، بأحب نفسي
وبأحب الصورة اللي خلقتني ربنا عليها. شكرًا يارب
لأنني ولد وهأكون رجلاً جميلاً وسوف أصبح يوماً
أباً لأسرة زي ما إنت عايز.
- (عبر بطريقتك المفضلة سواء بالرسم أو بالكتابة)

- راقب ملامحك وأنت مسرور أو حزين: هل راضي عن نفسك؟ هل تبجث عن نظرة إعجاب أو تقييم إيجابي من الآخرين؟ كيف تري الجمال الحقيقي؟ (عبر بطريقتك المفضلة سواء بالرسم أو بالكتابة)

المؤلفة في سطور

- استشاري صحة نفسية.
- كاتبة ومحاضره في التربية، وفي الحماية من الإيذاء الجسدي.
- حاصلة على دبلومة تربية وتعديل سلوك من جامعة القاهرة.
- حاصلة على ماجستير إرشاد أسري وصحة نفسية من جامعة «هوب يونيفرستي».
- باحثة دكتوراة.
- لها العديد من اللقاءات التلفزيونية على القنوات المصرية والفضائيات فيما يخص التربية والأسرة.
- صدر لها العديد من الكتب، منها:
 - الهدية المرفوضة: نشر خاص، القاهرة ٢٠١٢.
 - بنوتي كبرت: نشر خاص، القاهرة ٢٠١٤.
 - الأقباط والجنس: بالاشتراك مع الكاتب «روبير الفارس»: نشر خاص، القاهرة ٢٠١٩.
 - اسأل ماما: دار روافد للنشر والتوزيع، القاهرة ٢٠٢١.
 - أطفال على حافة قوس قزح: مؤسسة شمس للنشر والإعلام، القاهرة ٢٠٢٤.

• البريد الإلكتروني: maryramsis1979@gmail.com



شمس للنشر والإعلام

ت فاكس: ٠١٢٨٨٨٩٠٠٦٥ (٠٢)

www.shams-group.net